

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**OPĆINA CENTAR SARAJEVO**  
Općinski načelnik



Bosnia and Herzegovina  
Federation of Bosnia and  
Herzegovina  
Canton Sarajevo  
City of Sarajevo  
**CENTAR MUNICIPALITY**  
Municipal Mayor

Босна и Херцеговина  
Федерација Босне и  
Херцеговине  
Кантон Сарајево  
Град Сарајево  
**ОПШТИНА ЦЕНТАР САРАЈЕВО**  
Општински начелник

Broj: 10/E-11-4792/23  
Sarajevo, ~~04-10-2023~~ . godine

Na osnovu člana 69. stav (2) tačka d) i člana 70. stav (1), (4) i (6) Zakona o javnim nabavkama BiH ("Službeni glasnik BiH", broj 39/14 i 59/22) (u daljem tekstu: Zakon), člana 69. Statuta Općine Centar Sarajevo – Prečišćeni tekst ("Službene novine Kantona Sarajevo", broj 23/04), na prijedlog Komisije za nabavku roba, usluga i radova I, imenovana rješenjem Općinskog načelnika broj: 10-45-1694/23 od 23.02.2023. godine (u daljem tekstu: Komisija I), u postupku javne nabavke: Nabavka traktora sa pratećom opremom JU Centar za sport i rekreaciju (Zapisnik broj: 10/E-11-4792/23 od 27.9.2023. godine), Općinski načelnik donosi:

## **O D L U K U**

### **o poništenju postupka javne nabavke**

#### **I**

**Poništava se** postupak javne nabavke: Nabavka traktora sa pratećom opremom JU Centar za sport i rekreaciju, putem konkurentskog zahtjeva za dostavu ponuda, iz razloga što primljena ponuda nije prihvatljiva.

#### **II**

Ova Odluka se dostavlja svim ponuđačima koji su učestvovali u postupku javne nabavke u roku od sedam dana, shodno članu 70. stav (2) i članu 71. Zakona o javnim nabavkama.

#### **III**

Odluka će se objaviti na web stranici Općine Centar Sarajevo ([www.centar.ba](http://www.centar.ba)) u skladu sa članom 70. stav (6) Zakona o javnim nabavkama.

## **O b r a z l o ž e n j e**

Postupak javne nabavke: Nabavka traktora sa pratećom opremom JU Centar za sport i rekreaciju, pokrenut je Odlukom o pokretanju postupka javne nabavke, putem otvorenog postupka, broj: 10/E-11-4792/23 od 31.7.2023. godine.

Postupak javne nabavke nije podijeljen na lotove.

Obavještenje o nabavci broj: 848-7-1-135-3-156/23 objavljeno je na Portalu javnih nabavki dana 17.8.2023. godine, a Sažetak obavještenja o nabavci objavljen je u „Službenom glasniku BiH“ broj 59/23 - Oglasnik javne nabavke.

Procijenjena vrijednost javne nabavke bez PDV-a iznosi 40.000,00 KM bez PDV-a.

Tenderskom dokumentacijom određen je rok za otvaranja ponuda 29.8.2023. godine u 13:00 sati.

Dana 23.8.2023. godine, elektronskim putem, Ugovornom organu, Općini Centar Sarajevo (u daljem tekstu: Ugovorni organ) dostavljena je žalba potencijalnog ponuđača "ITC ZENICA" d.o.o. Zenica, izjavljena na tendersku dokumentaciju, evidencijski broj: 10/E-11-4792/23, za nabavku traktora sa pratećom opremom JU Centar za sport i rekreaciju.

Žalba je nakon toga dana 24.8.2023. godine zaprimljena na protokolu Ugovornog organa u formi pismonosne pošiljke na kojoj je otisnut pečat poštanskog ureda 23.8.2023. godine.

U Izvještaju o preuzimanju tenderske dokumentacije od strane ponuđača, broj postupka: 848-7-1-135/23, evidentirano je da je potencijalni ponuđač "ITC ZENICA" d.o.o. Zenica preuzeo tendersku dokumentaciju sa Portala javnih nabavki dana 18.8.2023. godine.

U skladu sa članom 110. Zakona o javnim nabavkama, Ugovorni organ je donio Odluku o obustavi postupka nabavke traktora sa pratećom opremom JU Centar za sport i rekreaciju, broj: 10/E-11-4792/22 od 25.8.2023. godine, koja je dostavljena svim potencijalnim ponuđačima koji su preuzeli tendersku dokumentaciju za navedenu nabavku putem Portala javnih nabavki.

Razmotrivši iznesene žalbene navode, a postupajući u skladu sa članom 100. stav (3) Zakona o javnim nabavkama, Ugovorni organ je donio Rješenje o usvajanju žalbe na tendersku dokumentaciju broj: 10/E-11-4792/23 od 28.8.2023. godine. U postupku razmatranja navoda žalbe dostavljeno je pisano izjašnjenje Službe za civilnu zaštitu, broj: 17-411-4748/23 od 24.8.2023. godine.

Tačkom II dispozitiva Rješenja određeno je da će tenderska dokumentacija biti izmijenjena u dijelu uslova za Tehničku i profesionalnu sposobnost, tačka 7.3.1. pod c) i 7.3.2. pod c), te u članu 6. stav 4. Nacrta ugovora, te će se odrediti novi rokovi za preuzimanje tenderske dokumentacije, kao i za prijem ponuda i za otvaranje ponuda za predmetnu nabavku.

Nakon što je Rješenje o usvajanju žalbe na tendersku dokumentaciju broj: 10/E-11-4792/23 od 28.8.2023. godine postalo formalno pravosnažno, Ugovorni organ je izvršio izmjenu tenderske dokumentacije, čime su se stekli uslovi za određivanje novog termina za prijem ponuda i otvaranje ponuda u postupku predmetne javne nabavke.

Tim povodom dana 15.9.2023. godine na Portalu javnih nabavki objavljena je Obavijest o izmjenama tenderske dokumentacije broj: 10/E-11-4792/23 od 15.9.2023. godine.

Ispravka za Obavještenje o nabavci 848-7-1-135-8-174/23 od 15.9.2023. godine, obuhvata ispravku podataka u Odjeljku IV 3. Rok za preuzimanje tenderske dokumentacije; Odjeljku IV 7. Rok za prijem ponuda/zahtjeva za učešće i Odjeljku IV 8. Rok za otvaranje ponuda, tako da je za novi rok za prijem ponuda određen 25.9.2023. godine u 12:00 sati, a rok za otvaranje ponuda 25.9.2023. godine u 13:00 sati.

Objavom na Portalu javnih nabavki izmjena tenderska dokumentacija je učinjena dostupnom svim potencijalnim ponuđačima.

Sažetak Ispravke za Obavještenje o nabavci 848-7-1-135-8-174/23 od 15.9.2023. godine objavljen je u "Službenom glasniku BiH" - Oglasnik javne nabavke, broj 65/23.

U roku za predaju ponuda koji je određen tenderskom dokumentacijom (25.9.2023. godine do 11:00 sati), na adresu Ugovornog organa dostavljena je jedna (1) ponuda i to ponuđača „ITC ZENICA“ d.o.o. Zenica.

U skladu sa članom 63. Zakona o javnim nabavkama, Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena ponude, kako sljedi:

r/b	Ponuđač	Ukupna cijena ponude (KM) bez PDV-a sa registracijom	Popust	Ukupna cijena ponude (KM) sa PDV-om
1.	„ITC ZENICA“ d.o.o. Zenica	40.058,12	/	46.800,00

Nakon izvršenog javnog otvaranja ponuda, na zatvorenom sastanku, Komisija I je konstatovala da je ponuda ponuđača „ITC ZENICA“ d.o.o. Zenica neprihvatljiva u smislu člana 2. stav (1) tačka I) alineja 2) Zakona o javnim nabavkama („Službeni glasnik BiH“, broj 29/14 i 59/22).

Naime, detaljnim pregledom dostavljene ponude Komisija I je ustanovila da je ponuđač „ITC ZENICA“ d.o.o. Zenica, ponudio cijenu robe koja se nabavlja (traktor sa pratećom opremom) u iznosu od **39.658,12 KM bez PDV-a**, koja zajedno sa cijenom registracije traktora, u iznosu od **400,00 KM**, ukupno čini iznos **40.058,12 KM bez PDV-a**, što premašuje ukupnu procijenjenu vrijednost predmetne nabavke.

Iz navedenog Komisija I zaključuje da je ponuda ponuđača „ITC ZENICA“ d.o.o. Zenica iznad procijenjene vrijednosti, odnosno cijena ponude prelazi osigurana novčana sredstva ugovornog organa za predmetnu nabavku.

U tački 3.3. tenderske dokumentacije, evidencijski broj: 10/E-11-4792/23, Ugovorni organ je naveo iznos 40.000,00 KM bez PDV-a, kao procijenjenu vrijednost predmetne nabavke.

Također, u Obrascu za cijenu ponude (Aneks 2.) naznačena je rubrika za upis podatka o iznosu cijene registracije traktora koji se nabavlja. Cijena traktora bez PDV-a zajedno sa cijenom registracije formira ukupnu cijenu traktora bez PDV-a koju nudi ponuđač, a koja treba da bude u okviru procijenjene vrijednosti nabavke.

Članom 2. stav (1) tačka I) alineja 2) Zakona o javnim nabavkama propisano je da je neprihvatljiva ponuda čija cijena premašuje planirana odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta.

Dakle, neprihvatljiva ponuda je ponuda koju je ponudio ponuđač, koja ne ispunjava zahtjeve u pogledu kvalificiranosti, odnosno ne ispunjava kvalifikacijske uslove definisane tenderskom dokumentacijom. Također, neprihvatljivom ponudom smatra se i ponuda čija cijena prelazi planirana, odnosno osigurana novčana sredstva ugovornog organa za nabavku.

U otvorenom postupku javne nabavke i konkurentskom zahtjevu za dostavu ponuda gdje je predviđeno provođenje e-aukcije neprihvatljivost ponude se cijeni prije zakazivanja e-aukcije.

U skladu sa članom 15. Zakona o javnim nabavkama ugovorni organ je zasnivao računanje procijenjene vrijednosti ugovora o javnoj nabavci traktora sa pratećom opremom na ukupnom iznosu koji će platiti, bez poreza na dodatu vrijednost (PDV).

Zakonodavac u članu 15 stav (2) tačka c) Zakona o javnim nabavkama propisuje:

„U određivanju procijenjene vrijednosti javne nabavke robe, usluga ili radova ugovorni organ dužan je uključiti sve elemente cijene koju plaća za nabavku te robe, usluge ili radova“

Shodno navedenom ugovorni organ je prilikom formiranja procijenjene vrijednosti nabavke uzeo u obzir i troškove registracije traktora, te je na osnovu toga i odredio iznos procijenjene vrijednosti od 40.000,00 KM bez PDV-a, koji je i naveden u tenderskoj dokumentaciji, tačka 3.3.

Član 17. stav (2) tačka h) Zakona o javnim nabavkama propisuje da je procijenjena vrijednost nabavke mandatoran podatak svake pojedine nabavke obuhvaćene planom nabavki. Član 53. istog Zakona reguliše neophodne informacije tenderske dokumentacije, a u stavu (3) tačka s) navedenog člana zakonodavac propisuje da tenderska dokumentacija sadrži minimalno, između ostalog, procijenjenu vrijednost javne nabavke.

Objavnom tenderske dokumentacije na Portalu javnih nabavki omogućeno je svakom potencijalnom ponuđaču da, pored ostalih bitnih podataka vezanih za konkretnu nabavku, sazna podatak o procijenjenoj vrijednosti nabavke, te da u skladu sa istom, a uzevši u obzir sve ono što ugovorni organ zahtijeva da bude uračunato u cijenu ponude, formira cijenu svoje ponude koja ne premašuje navedeni iznos procijenjene vrijednosti bez poreza da dodatu vrijednost određene nabavke.

U skladu sa navedenom zakonskom odredbom ponuda ponuđača „ITC ZENICA“ d.o.o. Zenica je isključena iz daljeg postupka i nije bila predmetom dalje ocjene i evaluacije.

Odredbom člana 69. stav (2) tačka d) Zakona o javnim nabavkama propisano je da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva. U skladu sa navedenim, Komisija I je na sjednici od 27.9.2023. godine jednoglasno donijela odluku da Općinskom načelniku predloži da na osnovu člana 69. stav (2) tačka d) Zakona o javnim nabavkama („Službeni glasnik BiH“, broj 39/14 i 59/22) donese odluku o poništenju postupka javne nabavke: Nabavka traktora sa pratećom opremom JU Centar za sport i rekreaciju, o čemu je sačinila Zapisnik o pregledu i ocjeni ponuda broj: 10/E-11-4792/23 od 27.9.2023. godine.

Općinski načelnik u postupku predmetne nabavke nije našao razloge niti nepravilnosti u radu Komisije I koji bi bili osnov za neprihvatanje prijedloga Komisije, te je u skladu sa članom 70. stav (1) Zakona o javnim nabavkama donio odluku kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH, Filijala/Podružnica Mostar, putem Ugovornog organa (Općina Centar Sarajevo), najkasnije u roku od 10 (deset) dana od dana prijema ove Odluke, a shodno članu 101. stav (1) tačka d) Zakona o javnim nabavkama.

Naknada za pokretanje žalbenog postupka iznosi 500,00 KM, u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.



Prilog: Zapisnik o pregledu i ocjeni ponuda  
broj: 10/E-11-4792/23 od 27.9.2023. godine

#### **DOSTAVITI:**

1. "ITC ZENICA" d.o.o. ~~Zenica~~, ul. Zmaja od Bosne bb, 72000 Zenica
2. Službi za civilnu zaštitu
3. Kabinetu općinskog načelnika - Odsjeku za javne nabavke
4. Evidenciji
5. U spis